

## SKUPŠTINA SAVEZA GEODETSKIH INŽENJERA I GEOMETARA BOSNE I HERCEGOVINE

Skupština Saveza geodetskih inženjera i geodetara Bosne i Hercegovine, održana je 28.06.1991.godine na Igmanu.

Skupština je razmatrala:

1. Izvještaj o radu Saveza GIG-a BiH
2. Izvještaj o finansijskom poslovanju Saveza GIG-a BiH
3. Dopunu Programa rada za naredni period
4. Finansijski plan za naredni period
5. Statut Saveza GIG-a BiH
6. Davanje saglasnosti na tekst Statuta Saveza GIG-a Jugoslavije
7. Odluka o izboru delegata u Savez GIG-a Jugoslavije
8. Izbor predsjednika i zamjenika predsjednika Saveza GIG-a BiH
9. Pravilnik o priznanjima
10. Dodjela priznanja SGIG-a BiH i SGIG-a Jugoslavije
11. Razno.

Izvještaj o radu Saveza za period od juna 1989 do juna 1991. godine podnio je predsjednik mr Mirza Bakšić.

### IZVJEŠTAJ

Savez GIG-a BiH je samostalna društvena i stručna organizacija geodetskih inženjera i geometara BiH koji se društveno i dobrovoljno organizuju u opštinama, regijama i gradu Sarajevu, a nastala je dobrovoljnim udruživanjem u podružnice GIG-a u našoj republici.

Savez GIG-a BiH je vanstranačka društvena i stručna organizacija i udruženi je član SIT BiH i SGIGJ.

SGIG-a BiH ima svojstvo društveno pravnog lica sa pravima i obavezama koja mu pripadaju na osnovu Ustava, Zakona, Statuta i drugih propisa. Njegove članice - podružnice također imaju svojstvo društveno pravnog lica.

## RAD SGIG-a BiH

Rad SGIG-a BiH u ovom izvještajnom periodu odvijao se je u skladu sa utvrđenim programom aktivnosti, operativnim godišnjim planovima kako Saveza u cjelini tako programa rada svake podružnice. U skladu sa Statutom Saveza i podružnice su djelovale na svim onim tekućim zadacima koji su bili od interesa sjelokupne geodetske struke.

U ovom periodu Savez GIG-a BiH organizovao je dva susreta geodeta iz cijele Republike: Igman '90 i Igman '91. Uz ove susrete vođena je i rasprava po dvije stručne teme:

Izmjene i dopune zakona o premjeru i katastru nekretnina i Održavanje premjera i katastra nekretnina.

Za vrijeme ovih susreta održavani su i radni sastanci između RGU i OGU. U programu susreta su i sportska takmičenja i drugarske večeri. Odziv na oba susreta je veoma dobar, oko 550 učesnika. U okviru susreta priređene su i izložbe geodetske opreme i tehnologije.

Našem Savezu su u ovom periodu povjerene organizacije dva stručna savjetovanja na saveznom nivou. Prvo savjetovanje je održano na Ilidži u oktobru 1990. godine na temu "Evidencije o nepokretnostima" a drugo početkom ovog mjeseca u Neumu na temu "Nove tehnologije u geodeziji". Na svakom savjetovanju je učestvovalo oko 350, učesnika a u pogledu organizacije možemo reći da su uspjela.

Na savjetovanju u Bečićima koje je održano u maju mjesecu prošle godine predsjednik redakcionog odbora je bio član našeg Saveza, a isto tako na savjetovanju na Ilidži. U stručnom pogledu sva tri savjetovanja su dala značajan doprinos daljem razvoju geodetske struke u našoj zemlji.

U skladu sa Zakonom o udruživanju građana SGIG-a BiH je uskladio svoj Statut i izvršio preregistraciju Saveza.

Na poziv Saveza GIG-a BiH u Sarajevu je Prof. dr Asim Bilajbegović održao veoma uspješno predavanje na temu "GPS" tehnologije uz praktično demonstriranje. Nakon povratka u Zagreb uputio je Savezu pismo u kojem se iskreno zahvaljuje na ukazanom gostoprimstvu.

## RAD PODRUŽNICE

Svoju aktivnost Savez obavlja kroz rad svojih članova učlanjenih u podružnice sa sjedištima u Sarajevu, Banja Luci, Tuzli, Mostaru, Trebinju i Rogatici.

U sarajevskoj podružnici djeluju članovi SGIG-a sa područja deset opština udruženih u grad Sarajevo a koji su zaposleni :

preko pedeset ustanova. Poduzimaju se akcije na daljem omasovljenju kako bi što manji broj naših kolega ostao neorganizovan u Savez GIG-a. Ostvarena je saradnja sa podružnicama Banja Luke i Tuzle. Organizovana su stručna predavanja a podružnica je aktivno učestvovala na organizaciji susreta i saveznim savjetovanjima. Broj pretplatnika na "Geodetski list" je znatno smanjen. Na svim susretima članovi učestvuju na sportskim takmičenjima.

Tradicionalno, svake godine, se organizuje veoma uspješno drugarsko veče kojima prisustvuje oko 150 članova. Pripremljen je novi Statut i treba da se izvrši preregistracija. Aktivno se uključila u raspravu oko uvođenja privatne prakse. Finansijsko poslovanje je pozitivno. Najaktivniji članovi dobili su društvena priznanja našeg Saveza. Predsjednik ove podružnice je Rondić Edib.

U podružnicu Banja Luka uključeno je 16 opština sjeverozapadne Bosne. Osnovana je 1986. godine.

Prošle godine u Bos. Novom je uspješno organizovala drugi sastanak funkcionera OGU. Preporuke i zaključci sa ovog sastanka ugrađene su u odgovarajuće zakonske regulative.

- pokrenuta je inicijativa da se promijeni procenat finansiranja poslova premjera tj. da se učešće opština smanji,

- na osnovu pokazatelja je ocjenjeno da je zakonski rok za uspostavu katastra nekretnina nerealan,

- predloženo je iznalaženje trajnijih i sigurnijih izvora finansiranja izrade novog premjera i uspostave katastra nekretnina.

Članovi ove podružnice aktivno su učestvovali na svim susretima kako na stručnom tako i na sportskom polju. Njegovana je saradnja sa podružnicama Tuzla i Sarajevo. Dva člana ove podružnice su dobila Povelje počasnih članova SGIG-a BiH a sedmorica Povelje zaslužnih članova SGIG-a BiH. Na prijedlog SGIG-a BiH ova podružnica je dobila za svoj uspješan rad Povelju SIT BiH za 1990. godinu. Na nedavno održanoj godišnjoj Skupštini za predsjednika ove podružnice ponovo je izabran kolega Arnautović Kemal, što je prava potvrda njegovog zadovoljavajućeg rada u SGIG-a BiH.

Delegati u Predsjedništvu SGIG-a BiH bili su redovito prisutni na sjednicama a članovi ove podružnice učestvovali su na svim saveznim savjetovanjima.

Podružnica Tuzla okuplja članove sa 22 političke opštine sjeveroistočne Bosne. Rad članova ove podružnice odvija se u organizovanju susreta geodeta sa ove regije i to dva a nekada i tri puta godišnje, uvijek u drugoj opštini. Tom prilikom se organizuju stručna predavanja, obilazak kolektiva, drugarske večeri a u zadnje vrijeme i sportska takmičenja. Stručna

predavanja održali su istaknuti naučnici iz Sarajeva, Zagreba i Beograda.

Članovi ove podružnice aktivni su u radu Predsjedništva SGIG-a BiH kao i na republičkim susretima, saveznim savjetovanjima.

Predsjedništvo ove podružnice redovito održava sastanke i po pravilu uvijek u drugom mjestu.

Za uspješan rad ove podružnice veliki doprinos je dao njen dosadašnji predsjednik kolega Camić Izet a vjerujemo da će tu aktivnost nastaviti i novi predsjednik kolega Dragičević Obrad.

Podružnica Mostar pokriva područje 13 političkih opština. Nažalost, rad u ovoj podružnici je potpuno zamro, njen Predsjednik je odselio u drugu republiku, obaveze nije prenio ni na koga tako da će trebati dodatni napor da se njen nekadašnji uspješan rad nastavi.

U podružnici Trebinje uključene su četiri opštine južne Hercegovine. Veliki doprinos ova podružnica ima na otpočinjaju radova na uspostavi nove evidencije katastra nekretnina na području Trebinja. Više puta je organizovano prerađivanje Zakona o premjeru i katastru nekretnina. Članovi ove podružnice su dali doprinos u radu Predsjedništva SGIG-a BiH, saveznim savjetovanjima, a na susretima su aktivno učestvovali. Pretplaćeni su na Geodetski list i Geodetski glasnik. Na upravo održanoj Skupštini ponovo je za Predsjednika izabran veteran geodezije, kolega Sadović Ismet.

Nemamo informaciju o radu Drinsko - romanijske podružnice kao ni o tome da li je formirana podružnica u Zenici.

Sekretarijat i Predsjedništvo SGIG-a BiH imali su dosta poteškoća oko obavještavanja svih kolega u republici o stručnim zbivanjima kako u našoj republici tako i na nivou Jugoslavije a naročito u onim opštinama koje nisu organizovane u podružnice. Napor koji je ulagalo Predsjedništvo na ovom planu nažalost nije urodilo plodom. U narednom periodu ovo treba biti prioritetan zadatak.

#### **RAD PREDSEDNIŠTVA I SEKRETARIJATA SGIG-a BiH**

U skladu sa Statutom Saveza, programom aktivnosti i godišnjim planovima predsjedništvo je u proteklom periodu održalo sedam sjednica ili tri za jednu godinu. Po pravilu ovim sjednicama predhodile su sjednice Sekretarijata koji je i pripremao materijale za sjednice Predsjedništva.

Predsjedništvo je:

- razmatralo i usvajalo izvještaje i zaključke sa Susreta,
- imenovalo članove Sekretarijata,
- utvrđivalo finansijsko stanje i obaveze SGIG-a BiH,
- formiralo zvaničan protokol i arhivu,
- imenovalo potpisnike finansijskog poslovanja,
- donijelo poslovnik o radu Predsjedništva,
- imenovalo stalnog i promjenljivog člana u Predsjedništvo SGIG-a Jugoslavije,
- radilo na utvrđivanju stvarnog broja članova Saveza,
- aktivno radilo na formiranju novih podružnica,
- razmatralo i dalo podršku Programu srednjeg usmjerenog obrazovanja,
- dalo primjedbe na SAS i Statut SGIG-a BiH,
- vodilo koordinaciju oko pripreme materijala za izdavanje Monografije GIG-a Jugoslavije, za period 1973-1990. godine,
- organizovalo mogućnost odlaska na Kongres FiGe u Helsinki,
- razmatralo izvještaje o svom finansijskom poslovanju,
- podržalo kandidaturu Prof.dr Abdulaha Muminagića za člana ANUBiH,
- imenovalo novi izdavački savjet i redakcioni odbor "Geodetskog glasnika",
- utvrdilo programe svoga rada,
- dalo prijedlog za dodjelu društvenog priznanja SIT BiH za podružnicu Banja Luka,
- utvrđivalo organizacione odbore za Susrete i savezna savjetovanja koja su održana u našoj republici,
- organizovalo predavanje sa stručnom temom "GIZIS" koje je u zadnji čas otkazano,
- podržalo prijedlog ukidanja svih srednjih škola za školovanje geometara, osim u Sarajevu,
- razmatralo mogućnost studija uz rad, u tu svrhu formirana posebna komisija koja je na žalost utvrdila da za to ne postoje u ovom momentu uslovi,
- razmatralo nacrt Statuta SGIG-a Jugoslavije,
- razmatralo nacrt Statuta SGIG-a BiH,
- imenovalo novu komisiju za društvena priznanja i prof.dr Faruka Seleskovića za njenog predsjednika,
- imenovalo Odbor za formiranje Geodetskog muzeja BiH a za predsjednika imenovalo prof.dr Abdulaha Muminagića,
- razmotrilo Izvještaj o davanju stručnog mišljenja na materijal autora Huseina Muhamedagića,
- provodeći Zaključke sa III. susreta, Sekretarijat je uz konsultaciju svih predstavnika podružnica formirao Komisiju čiji je zadatak bio da upozna sve tri stranke koje su na vlasti sa tim stavovima. U fazi konstituisanja novih vlasti došlo je do određenih imenovanja koja su suprotna zaključcima sa III. susreta. Sve tri stranke kao i potpredsjednik Vlade BiH dr Simović koga je Komisija

- također upoznala sa ovim zaključcima podržali su ove Zaključke i izrazili žaljenje što ova aktivnost nije pokrenuta ranije. Nažalost, ova aktivnost u potpunosti nije urodila plodom jer je u nekim OGU došlo do imenovanja funkcionera koji sa našom strukom nemaju skoro ništa zajedničko. Najslikovitiji primjer je opština Odžak, gdje je za funkcionera ovog organa imenovan dipl.inž.mašinstva.
- dalo podršku prof. Aganoviću za primjedbe date na publikaciju rađenu povodom 100 godišnjice osnivanja i rad tehničke škole i uputio zvaničan dopis izdavaču.

### SARADNJA SA SIT BiH I SGIGJ I OSTALIM INSTITUCIJAMA

SGIG-a BiH je član SIT BiH i SGIGJ. Saradnja na ovim nivoima je bila dobra. Naši delegati su učestvovali na svim sjednicama Predsjedništva i Skupštinama SIT BiH.

U protekle dvije godine održano je 9 sjednica Predsjedništva SGIGJ. Na ovim sjednicama učestvovao je najmanje po jedan delegat našeg Saveza. Između ostalog ovo Predsjedništvo je radilo na:

- donošenju Zakona o osnovama geodetske djelatnosti na nivou SFRJ,
- verificovalo i analiziralo izvršenje zaključaka sa saveznih savjetovanja,
- donijelo prijedlog novog Statuta SGIGJ,
- analiziralo školovanje geodetskog kadra,
- vodilo aktivnost na međunarodnoj saradnji,
- ocjenjivalo vlastitu izdavačku djelatnost a naročito kvalitet i sadržaj "Geodetskog glasnika",
- vršilo pripremu za izdavanje "Monografije GIG-a 1973-1990."
- vršilo pripremu za održavanje VI Skupštine SGIGJ,
- usvajalo obračun prihoda i rashoda sa stručnih savjetovanja,
- usvajalo završni račun za 1989. i 1990. godinu,
- utvrđivalo godišnje programe svog rad.

Sjednice su održavane u svim republikama i pokrajinama a po pravilu uz održavanje saveznih savjetovanja.

U proteklom periodu održavana je tradicionalno dobra saradnja sa RGU BiH čiji su predstavnici prisustvovali svim sjednicama i Predsjedništva i Skupština SGIG-a.

Sa Geodetskim zavodom Savez ima dobre odnose, a može se reći i veoma dobru poslovnu saradnju. Prilikom štampanja pojedinih materijala i publikacija uvijek je u pitanju kratak rok i tu Zavod uvijek Savezu pritekne u pomoć.

Sa Krajinapremjerom, Građevinskim fakultetom-Geodetski odsjek, Geodetskom školom u Sarajevu te mnogim OGU ostvarivana je dobra saradnja.

Medusobnim posjetama delegata na nivou Saveza republika i pokrajina prenešena su iskustva o radu. Naši predstavnici su bili na susretima geodeta u Sloveniji i Srbiji a kod nas su dolazili predstavnici Slovenije, Hrvatske i Srbije.

### STRUČNO UZDIZANJE I IZDAVAČKA DJELATNOST

Ova aktivnost se odvijala uglavnom putem stručnih predavanja na nivou podružnica, stručnim temama na susretima, saveznim savjetovanjima, izdavanjem Geodetskog glasnika i saradnjom u Geodetskom listu.

Ovom prilikom treba odati zahvalnost RGU, Građevinskom fakultetu - Geodetski odsjek i Geodetskom zavodu na izdavanju 27 i 28 broja Geodetskog glasnika. No izdavanje samo jednog broja godišnje je ipak malo i svi skupa trebamo više angažovanja da naš list češće izlazi.

### MEĐUNARODNA SARADNJA

Međunarodnu saradnju naš Savez ostvaruje preko SGIGJ. Na savjetovanju na Ilidži bili smo domaćini delegatu iz Bugarske a u Neumu je u radu učestvovao kolega iz Švajcarske. Naš delegat na savjetovanju iz Kartografije u Bugarskoj bio je iz BiH.

Na savjetovanjima proizvođači iz cijelog svijeta vrše prezentaciju geodetske opreme.

### FINANSIJSKO POSLOVANJE

Zahvaljujući vlastitoj marketing aktivnosti, razumijevanu za rad Saveza od strane RGU kao i nekih podružnica, kotizaciji koja je uvedena na susretima kao i sredstvima koja smo dobili organizacijom saveznih savjetovanja u proteklom periodu Savez GIG-a BiH nije imao finansijskih problema. Sve svoje obaveze odmah i uredno je izmirivao a svaku godinu završio pozitivnim poslovanjem.

Nakon izvještaja usvojen je Finansijski izvještaj i plan za naredni period, Statut Saveza GIG-a BiH, i Pravilnik o izboru počasnih i zaslužnih članova i o dodjeljivanju plaketa Saveza geodetskih inženjera i geometara Bosne i Hercegovine.

Za predsjednika Predsjedništva Saveza GIG-a BiH izabran je Gaco Anđelko, dipl. inž. geod., a za zamjenika mr Lero Mladen, dipl. inž. geod. Za stalnog člana u Predsjedništvu Saveza geodetskih inženjera i geometara Jugoslavije izabran je mr Mirsad Bakšić, dipl. inž. geod., a za promjenljivog člana Gaco Anđelko, dipl. inž. geod.

U skladu sa Pravilnikom o priznanjima, a na osnovu prijedloga podružnica i Predsjedništva SGIG-a BiH dodjeljuju se priznanja:

#### A. PLAKETU SAVEZA GIG-a BiH

Gusinac Edib,	Podružnica Sarajevo
Rakić Nedim,	Podružnica Sarajevo
Bostandžić Sedin,	Podružnica Tuzla
Despotović Sreten,	Podružnica Tuzla
Petković Branka,	Podružnica Tuzla
Govedarica Marko,	Podružnica Trebinje
Milović Vasko,	Podružnica Trebinje
Miljanović Žarko,	Podružnica Trebinje
Prčović Vlado,	Podružnica Trebinje

#### B. POVELJA ZASLUŽNOG ČLANA SGIG-a BiH

Krzyk Tomislav,	Podružnica Sarajevo
Sikimić Lazo,	Podružnica Sarajevo
Zimić Šeho,	Podružnica Sarajevo
Imamović Asim,	Podružnica Tuzla
Okuka Milovan,	Podružnica Tuzla
Prodanović Miloš,	Podružnica Tuzla
Drašković Nikola,	Podružnica Trebinje
Gaćinović Slavko,	Podružnica Trebinje
Hadžiahmetović Fadil,	Podružnica Trebinje
Grubišić Boško,	Podružnica Banja Luka
Imamović Mujo,	Podružnica Banja Luka
Ivković Đorđe,	Podružnica Banja Luka
Lučić Risto,	Podružnica Banja Luka
Tomas Rade,	Podružnica Banja Luka
Začiragić Alija,	Podružnica Banja Luka
Miskin Jovo,	Sarajevo prijedlog Predsjedništva SGIG-a BiH
Pešto Osman,	Rogatica prijedlog Predsjedništva SGIG-a BiH
Terzić Besim,	Travnik prijedlog Predsjedništva SGIG-a BiH



**C. POVELJA POČASNOG ČLANA SGIG-a BiH**

Begić Mustafa,	Podružnica Sarajevo
Dr Nihad Kapetanović,	Podružnica Sarajevo
Mr Božidar Milišić,	Podružnica Sarajevo
Sadović Ismet,	Podružnica Trebinje

**D. POVELJA ZASLUŽNOG ČLANA SAVEZA GIG-a JUGOSLAVIJE**

Mr Mirsad Bakšić	Podružnica Sarajevo
------------------	---------------------

**SAVEZ GIG-a BiH**